

太保費文憲公摘稿

太保費文憲公摘稿卷之十

序類

送蔣君誠之登第後歸覲詩序

聖天子臨御二十有三年于此矣道化益洽人文益
著是科所取進士凡與弟同升者最多涂君邦祥邦
土山番禺陳君宗之亮之出上元石君邦秀邦彥出
藁城而蔣君誠之敬之則出全州前此未之嘗有也
嗚呼盛哉予於四氏兄弟皆稔其名而誠之敬之則
相知尤稔蓋敬之以童子發解起自遠方隱然名動
京邑今大司成瓊臺丘公少司成補菴費公一見則

以遠大期之予曩在窮鄉方執筆學舉子業幸一識其面而不可得歲甲辰入大學忝與之同遊二公之門接其論議低首畏服信乎其不可及詢其淵源所漸則敬之早失所怙其學業有成實其伯兄誠之自相師友所致也今茲進與天下之士角其所長連枝競美俱取上第如摘領髭如拾地芥如寓物于石而持券取之蓋非偶然而得者豈中州清淑之氣蜿蜒扶輿磅礴而鬱積者始於蔣氏乎發之歟何其兄弟之皆賢也頃敬之以選入讀秘書而誠之適在放歸省觀之數年慶慈萱光耀鄉梓誠之計得矣而予與

敬之未能無離群之感敬之乃徵諸同年能言者作
詩以道其行而屬予序之予嘗怪李絳謂同年乃四
海九州之人登科而後相識於情何有竊意當絳之
時方虞黨禍特有激而云耳若今之同年有兄弟手
足之誼所謂至于子孫猶世講之者固不可以無情
處之也况予與誠之兄弟稔交於數年之間又非合
科而後相識者其於離合之際能忘情乎故因誠之
之行竊有一言以為告焉古之論者為士方取以文
辭類若浮文而少實及其奮於事業隱然為國名臣
蓋言進士之重而欲登是科者知其重而不自愛也

夫苟知其重而不自負則同道相益同心共濟勉為國之名臣凡吾同榜之士皆不容以少讓而況於連技競爽如吾誠之者乎誠之聞此不當安安而居遲遲而來矣敬之笑而頷之若有契於心者因強予書之繫以珠玉成化丁未夏五月望日

送劉丘仲還高安序

玉不琢無以成其器人不學無以成其材何也聲色樂易以移人之心也貨利之殖易以昏人之智也而非學則所以克己者無其要所以進德者無其方付見君子之棄小人之欲顯於當時而聞於後

世也難矣矧生於素封之家安於素養之習其於端
慤無求而不得者尤不可不勤於學乎歲乙巳予識
劉君丘仲于太學見其生質之淳美言動之安詳而
心異之蓋劉氏富甲一州在他人鮮不移于僻者丘
仲則布衣蔬食常與寒畯伍平居坐一室左圖右書
親師取友顓顓焉惟儒業是習丘仲其知致力于學
者歟能守而不移則其材可以大成將必顯于時聞
于後而劉氏之族將益盛也戊申之夏丘仲既注選
于銓曹將告于鄉衮亞卿陳公而歸公以手稔丘仲
者朱徵予言贈之予之所以贈丘仲者舍學何以哉

蓋理欲之幾非至健者不能決而人之常情則進退
勤始而怠終自子夏聖門之高弟也然入聞夫子之
道而樂出見紛華盛麗而悅二者心戰未能自決况
其下乎勗哉丘仲于今茲之歸必沉潜於詩書優游
於禮義其守確乎而不易其業充乎而愈修則異時
所立固不可量譬之和氏之璞既琢而成自可以直
連城之價豈終屈于三則而已耶

送虞安甫遊南雍序

在秦之金以百鍊為良蓋天之玉以三獻為美金為
而不即或曰是玉之精也玉為美矣而不即

適足以總其實也惟人亦然其進愈滯其守愈堅
則業之精者將益精而行之成者將益成矣君子之
所以勉乎在已而順乎在天者不以是乎金壇虞君
安甫世以貴豪于鄉而能攻苦食淡與寒畯伍為弟
子員名譽籍甚有司較藝推為先登可謂業之精而
行之成者也及乎屢進屢屈人用寃傷而安甫夷然
自勵未嘗意怒非守之堅者歟歲戊申安甫齎貢函
來南宮試于太庭遂占高等將復卒業南雍以期遠
到介其友中書舍人儲君世資求于贈言予嘉安甫
之志未能辭也試以已然之事為安甫一高起背公

孫弘嘗舉賢良以不中選退歸矣其後再徵射策遂
為第一兒寬貧時嘗為弟子都養時行賃作帶經而
鋤矣其後卒為名臣之二人者始皆以鴻漸之翼困
於燕雀而安其終則有非等夷所可及者焉亦惟天
久而定也學如安甫行如安甫又能薦其志而不懈
焉其有得於天者乎況太學賢士所關明師良友模
範具在安甫往遊焉所謂磨礱去圭角浸瀦著光精
皆無待外求而自足也異時貢之於九牧償之以連
城可以質諸天而無疑安甫尚勉之哉

送國博葉先生展省南還序

今制官于京者滿十稔聽歸展墓亦惟體人子之
私教以孝而勸之忠耳故凡敦桑梓悲風木者及其
期鮮不以請國者先期而欲之特拘於法而未能者
矣否則死其親而其所以事君也可知矧職位師
儒將教人學為忠與孝哉太學博士簡菴葉先生未
嘗一日不以先墓為念今年秣適及其期即具疏上
請詔可之仍賜寶楮若干為道里費鄉之士大夫莫不
為先生榮且欲速其來也黃門季君本清乃徵予文
以為贈予念在太學時先生以先伯父敏菴同舉于
鄉之故遇予特厚予時頗有志經史學為文辭先生

輒喜動顏面則先生於予不可不謂之知己也今茲之贈予安敢以不文為辭哉夫人能不忝其親然後能不忘其親若先生之於親可謂不忝者矣蓋先生早發科第經明行飭初教齊河齊士鮮知問學耳不聞鹿鳴之歌者已再世矣前此主師席者付之時命積歲待左獨先生不然至則擇子弟員之可進者集齋舍教之如其家之子弟然滿考舉于鄉者三人果出所教以是課最擢掌教松江未幾以憂去服闋改順天至今二學之士咸曰是善教我及其官太學也甘守盛鹽囊之裕如人愈賢之是豈忝於親者之所

初以侯雲仍

明故資政太夫都察院左都御史邊公神道

碑銘

嘉靖甲申之夏南京刑部尚書邊公用薦改都察院
左都御史公趨命北上入舟而病未幾過家遂以訃
聞詔有司諭祭營塋皆如制前塋公弟中允汝明及
其子太學生偁奉禮部侍郎李君宗易所爲狀屬予
爲銘將刻諸墓道焉按狀公諱憲字汝成別號桂巖
世家河間之任丘曾祖諱復初以從

太宗文皇帝靖難授百戶祖諱永以正統乙丑進士

歷戶部郎中後俱以子貴贈都察院左副都御史父
諱鏞累官至南京刑部右侍郎母徐氏封恭淑人公
之生侍郎公有異夢因以命名甫十歲能爲韻語書
過目輒成誦旣長學於少傅遂菴楊公與太宰喬公
希大司馬金公舜舉爲同門蔚有文譽楊公以遠大
期成化癸卯舉于鄉明年遂登進士授青州府推官
時甫弱冠人皆以少易公公發奸濫獄乃如老吏郡
中無不畏服公者青濱海海溢壞民田廬將及城公
率衆築隄障之城中人恃以無恐值歲饑議賑撫按
以其事檄公公計口給食度之有法所全活者甚衆

苟無魏相在朝張主而護調之其事必寢其功必毀
況今之為令其委任權力之不同百十于此者乎今
天子聖明冢宰上公二三大臣皆奉承休德留意令
長考績幽明之典必公必審有志愛民者可以自效
固無顧惜依違之患矣而文博在鄞且有鏡川公在
當塗為知己凡民事之善否民情之利病公皆得而
知之察之苟能勞心撫字如楊元宗挺身為民如何
易于視民如傷如程伯淳未必有積薪之憂望塵之
歎也文博其勉盡厥心以無負公之望也哉

送嘉興令黃君文敷序

歲三月吏部集選人之久次試之授郡倅州守縣正
有差於是鄉進士黃君文敷拜嘉興今鄉友曾烱官
實夫謁予文贈其行為予言黃世望奉和其先宋太
史廷堅先生嘗自國子教授出知泰和縣事有遺愛
在民民立廟以祀至于今不廢今文敷積學勵行無
忝世德然試於春官屢屈屢進茲以母老急於祿養
遂得縣以去知者惜文敷非百里才而實為嘉人喜
也予聞而有感焉當宋之時太史以文章孝友名一
世而屈於下僚未究其用若章惇蔡京趙挺之流乃
竊據高位顯售其奸如先生者皆置之惡地中以危

法自常人視之必以屈伸榮辱為取舍然三人者誤國殃民當時欲食其肉後世惡聞其名而太史則能以儒術飾吏事所居而民便之既去而民思之百世之下聞者猶欣慕而愛樂之以此易彼得失較然可知文數能法太史志于愛民尚奚擇於位之大小哉然文數亦知太史之所以得民者乎周公曰平易近民民必歸之此為政不易之道觀民者之先務也史稱太史為縣以平易治時課頒鹽莢諸縣爭占多數太和獨否吏不悅而民安之此文數所定法也蓋一縣之政莫大乎賦役訟獄平易者均之必恤其貧理

之必求其情則民不訴而無冤不謁而得其所欲將
有增貲就寔減年後役與夫以受杖為恥者矣否則
事催科專擊斷而民不聊生捕毒蛇見乳虎寧甘心
焉况望其悅服乎嘉興為東南大邑誌稱版畝之廣
他邑不若民誘於利課訴為多夫版畝富則賦役難
均課訴多則訟獄難理以文敷之賢而往治之信無
難者然亦不可不慎其事也文敷終畝之嘉興之民
他日思文教安知不若尔邑之思太史哉

送太平府通守黃秉淵序

國朝選用之法非一途凡以通滯積順人情使之理

任鬼神以取昔人之譏庶乎其職之稱又酌而謂之
曰君子居其位而思守其分故上交不諂下交不瀆
懼至失已也君其致審於事上接下之間毋苟媮以
取容毋苟得以納侮惟分之固守以終其身又酌而
謂之曰於古之有鄉梓必敬里門必趨雖貴富不加
於父兄宗族君出於四宦之家恭慎謙抑無膏梁裾
履之習蓋沉酣禮義之教久矣其毋侈毋傲以變其
初君曰諾其何敢以規為嘆不然有如此酒於是鄉
之人知君必能稱其職保其位也又益為之喜相與
書子言以為歸裝之贈

送南昌教諭張朝用詩序

京口張君朝用以學問著聞于鄉家故寔能勤奉養
樂朝夕以裕其父母補郡博士弟子員治經為文雅
有思致同輩皆推遜以為莫及歲癸卯領應天鄉薦
試春官不利者再矣不以罪有司而益致力於學今
年就試復屈置乙榜朝用欣然樂之曰吾二親老矣
敢擇祿而仕以貽不孝之譏於是得為南昌縣學教
諭太史靳君克道及子宗兄平父喜朝用之志有成
而又不能無離群之思也約縉紳賦詩以贈之屬予
為序其意惟儒師地寒祿薄無權勢擢赫之榮然薄

書米監亦邈乎不及又非抱關擊柝者之污賤可得而擬故為貧而仕莫宜於此然其職在於立師道有人材以為天下國家之用能稱是職者蓋亦難矣顧今之士大夫日志於尊榮富侈非顯爵厚祿不足以滿其願職之稱否不計也故挾才負氣者視儒官若將浼焉一有為例所拘則恣嗟慙恚如不能生其知友邑里亦皆惜之不以賀而以唁噫師儒果何負於人而人厭之若是耶今朝用領薦久矣能以二親為念樂就茲職其所養不有過於人哉且古之君子居其官則必安其位安其位然後能盡其職以今日之

所養占異日之所成朝用之於職吾知其無所負矣
乎將何以為朝用告哉孔子曰溫故而知新可以為
師矣孟子曰人之患在好為人師皆言學之不可以
自足也朝用能益充其學益勵其行所以教乎人者
必皆躬行心得之餘而不徒事乎佔冊鉉槩之末如
鐘之叩而大小畢應如金之鑄而模範不差則師道
以尊人材以盛況南昌為詩書禮義之邑士知務學
而俗尚淳厚教育者苟盡其心有不能舉其職者乎
若夫循資苟祿其為貧自諉是乃庸衆人所為固非
贈言者之所望於朝用也

逸遊清興詩序

遊之有益于人也大矣太史公年二十則南遊江淮
北涉汶泗講業齊魯之都故其文雄贍雅健如天馬
駿足步驟不凡雖有良史材後世若康節先生亦嘗
踰河汾涉淮泗周遊齊魯宋鄭之墟今觀經世一書
天地萬物之理內聖外王之道深造曲暢包括無遺
未必非尚友四方之助也道德本也文章末也二子
之所就雖本末不同而遊之有益於人則一也若拘
拘剪剪自分老于一畝之宮環堵之室曰吾將不出
戶而知天下何以遊為是猶埴穴之蛙其始也不免

貽坐井觀天之譏而其終也不能無望洋向若之歎
矣吾友新會黃君希顏早以孤矢為志發軔名場以
魁百越之士掉鞅文苑固以友四方之賢而遠遊之
志不懈豈非有意於前世之芳躅乎今將遊于吳吳
在漢已為東南一大都會故乘所謂東山之府海陵
之倉潮汐之地長洲之苑皆當時可遊處也而況今
日吳中之盛倍十漢時物產人材皆稱雄於天下黃
君茲遊其為益也必多矣登名山則其巍然而高者
與節謀汎重湖則其汪然而虛者與量謀訪古之人
遺跡別其竦然其可敬者與心謀道慙之加脩文章

之愈工吾固於黃君有深望也厚黃君者皆有詩賦而予最故故為序

兩京壯遊詩序

予間歸自史局日既晡矣忽新喻傅君曰會適予示以兩京壯遊詩欲為之序予辭不獲則詢所以徵詩者何君曰里有錢氏者食指近萬為豪族錢氏之彥有曰襄字宣誥者予女兄之夫也宣誥幼警異弱冠即辟于公為萬石長凡征輸也必公卿長老賢之嘗以王事一再至金陵頃復以予輩久寓京師比其輟來叙舊好今將歸矣予壯其嘗遊兩京此詩之為作

也予聞言不能無疑曰兩京者

皇明先後所都居中制外以一統萬龍蟠虎踞之勝
石城湯池之險紫宮華闕之麗鸞臺鳳閣之嚴文臣
武將之多通闡帶闡之盛教倉武庫之富聲明文物
於此焉羣禮樂政教於此焉出其壯固矣然而環處
四維者心苟欲遊皆可至也則凡乘堅驅良者皆可
謂之壯遊矣乎宣詔之遊而君輒謂之壯豈宣詔固
有異於人乎君曰然宣詔非徒乘堅驅良以為遊者
也欲殫見洽聞以克其未大也蓋昔之好遊者莫如
司馬子長子長嘗登廬山觀禹疏九河遠北邊觀蒙

恬所築長城過魯觀夫子廟堂車服適楚觀春申尹
城池宮室適夫梁觀所謂夷門適長沙觀屈原所沉
淵如淮陰觀韓信毋塚適豐沛觀故蕭曹樊噲滕公
之家其於遺墟故蹟無不得之目而藏之中其遊壯
也今宣誥兩京之遊亦嘗網羅名勝以充其未大有
志於子長之遊者也先生奚疑焉子曰如君言宣誥
之遊亦壯矣若退子遂次第所言以為序君不予鄙
曰是亦宣誥壯遊之所得也

贈曹庠少博高孔明分祿養親序

孝莫大如養志自叔季以還民無恒產士君子欲養

其親者非祿仕無以為榮而親之於子鮮不以是望之故必汲汲焉從事於學內之檢身飭行外之種藝績文於以致祿而崇養然後可以為孝至於祿之得不得養之速不速則係於天非人力所可必也惟積善之家天恒祐之則祿必得其養能逮者或綿厯累業而不衰是不亦元為可貴也哉高世為閩鉅姓在前元則孔明之後高祖德夫以至正丁巳領鄉解入國朝則孔明之高祖善夫主教龍溪從曾祖景材以洪武乙丑進士丞南康曾祖景陽以鄉貢預脩永樂大典祖旭以宣德癸丑進士為黃門終江西僉憲祿

仕累世為一方衣冠之望至孔明之父約齋先生始
家食不仕然經明行飭鄉邦重之諸子皆授之經蘄
以紹述世美孔明其主器也奇儻博雅尤以繼志為
務既而累試不利乃隨資膺貢俯就今職居常節縮
百費以其贏歸佐奉養之資成化丁未夏會

天子

聖母皇太后尊號推恩海內內外臣工分祿養者聽
孔明喜動顏面亟援例請與所司大夫士榮孔明者
發於詩歌以賀之子外父朱軒漢公掌教曹庠與孔
明有同寅之雅助喜无深因走書京師命為之序夫

高氏以詩書相承代不乏材致位中外享有祿食天道與善之公蓋信然矣然賢如約齋隱而不仕學如孔明仕而不顯何也此蓋天之未定也今約齋之年鼎盛而孔明之祿方崇雖都三旌食五鼎者或不能及則天之所以與孔明父子者固在此其他又何足言耶抑分祿之舉在尊富者行之則寬然而有餘孔明地寒祿薄乃能甘麤鹽朝暮之苦盡寂水啜飲之懼所謂養不必豐要於孝不其然乎雖然為孝有三大孝尊親其次弗辱其次能養弟舜為聖人始可謂之尊親曾子為賢人始可謂之弗辱孔明可謂能養

者矣然其心未可以自足也由此上法聖賢以脩其身必使心術之微言之著皆足以範當時昭後世而天之所以與我者不至於褻且弃焉然後為能顯其親而無愧於孝矣孔明勉之勿怠

送伯父兵部副郎君歸覲序

聖天子在位二紀孝德益隆不替乃者念

聖母皇太后之號弗稱厥功詔有司飭具議上徽號曰聖慈仁孝以四月十有九日率群臣奏冊寶獻諸東內群臣竊相慶謂虞舜文王之盛美復見於今日矣既而翔鷄樹竿隆鳳宣詔則錫類之恩被及海內

凡近臣有父若母未及貤封之期者皆特給誥勅逮其父若母六年欲歸省者聽嗚呼仁哉時伯父自主事擢副郎者始半載祖母太安人周遂加封為太宜人錫誥及先祖樂菴公亦進贈如伯父今官家君五峰家母余又以宏貴推封脩撰安人咸謂吾門被寵老盛然太宜人年益高副郎君自拜官迺今違慈侍者實六易寒燠拜嘉之餘瞻雲益切於是遂援例以請得請喜甚治裝將歸忽

龍馭上賓號弓未暇因滯於行久之會

嗣天子視朝始獲陞辭既道蓋十月既望矣惟時草

木節解清風戒寒驪駒在門餞者畢至酒三行客有
稔交者起而賀曰樂矣哉君之歸也而孝道備焉昔
季子佩印于洛陽相如結駟於成都榮矣而孝以悅
其親者未聞老萊戲舞乎斑斕潘岳駢羅乎絲竹孝
矣而榮以顯其親者未遂非至樂也古人勿論惟溫
詔之頒進封者有矣或限於年不得一光乎桑梓歸
覲者有矣或仍其爵不得再慶於椿萱非至樂也今
兼而有之惟君太夫人童顏鶴髮恩典加隆而君褒
衣危冠拜慶堂下二美備矣况棣萼在庭友于之情
怡怡蘭玉在堦秀發之聲赫赫茲樂也其可既乎雖

然古人論悅親者歸于獲上而治民論顯親者歸於
立身而行道求忠於孝朝廷之典也移孝為忠臣子
之職也君之歸而復來其接漸乎若流連某丘某水
之間漁樵之與侶鷗鷺之與親遂以溫清之奉滌滌
之供為孝之大是豈前日

聖天子覃恩之意哉君不其然副郎君曰是吾心也
從子宏遂請書其言納之裝以為送行序

壽任翁廷玉七十序

任世為蒲鉅姓洪武初以高貴實南都永樂間以扈
從再北都受廛于城之東南隅廷玉翁蓋任之彥也

自幼以勤儉自勵家益饒遂甲閭右因入貲有冠服
平居敦禮節耻習驕侈時往來江湖寄跡商賈間條
然自適无好慕賢上如恐不及公卿至其家廷玉出
法書名畫相與玩賞竟日乃去然未嘗資其勢也以
是館閣而下諸縉紳皆樂與之交凡有所往必為詩
以華之其為人可稱道者大率類此今壽已七十矣
三月乙巳寔其初度之日予輩謀所以賀之者皆謂
翁無他好所好者翰墨而已乃各以詩詞贈之而屬
予為序予自登第後識翁遂與翁數數往還翁年雖
高而進退揖讓未嘗苟簡間騎而過我據鞍上下甚

嬰鑠如年五十許人予知其壽未艾也况富而好德積而能散是皆壽之本乎禮七十曰老而傳謂傳其家事於子也翁之子頂亦朴茂謙慎善治產業自今一以家累付之優游餘年頤養天和其壽之益高可必矣予以爲翁之生當國初盛時所稟既已淳固自壯而老又遭遇亨嘉之運無事變以嬰其心故能爲福履所綏享有素封之樂今幸

明天子在上歛福錫民必欲躋天下於仁壽之域翁以年高居至近之地沐至切之化貳膳常珍可以自足而無求於外由是而耄而期以爲太平之瑞於他

日蓋理所必至也故既以賀且祝之云

悼貞詩序

金壇段節婦沒有年矣其孫敏以今年始登進士第
亟叩諸縉紳求為詩歌以悼之久之得若干篇萃成
一帙奉以請予序取而讀之因詢其生平行實敏具
以對曰吾祖母姓馮氏出同邑東洮望族年二十有
二歸吾祖溪山處士甫四年而寡時吾父在襁褓而
蕃功之親皆以分異家計蕭然俯仰無足恃者所親
咸諷其改適祖母以死自誓因罄其房奩易產業為
經久計持身撫孤辛苦萬狀幾四十餘年而歿歿之

日吾父已先逝七月有奇幾無以為蓋此其可悼者也又曰敏聞諸令甲凡節婦得表諸門以勸閭閻紀諸史以垂將來方吾祖母之未歿也鄉人欲上其事於有司以旌異之祖母不許曰婦人不事二夫分耳以是事竟寢敏惧其遺德將日就湮沒無聞於後此悼貞之詩所由作也嗟夫詩以美人倫厚風化而夫婦實人倫之大風化之原所繫為甚重若段婦之貞節誠無愧於大倫而其所遭又有處人情之所不能堪者則其哀悼之形於詩固足以為風化萬一之助豈但若薤露蒿里之歌取於哀死生相斥吾而已哉

即是而觀其詩之行遠傳后必矣又何俟於序耶然
敏之請於義不可辭又竊念共姜守義之事不見於
他日特序詩者以栢舟為其自誓之辭於是後世言
節婦者必自姜則序亦不為無助遂書此於詩之首
簡使後之觀者有考焉

畫初序

江南多梅不特羅浮庾嶺為然凡顏垣嚴圃山巔水
涯往往有之冬月花盛開時出行郊野間清氣凜凜
暗香徐來令人翛然有出塵之想其橫斜疎瘦老枝
竒怪者精神意趣无可玩賞然而其性不遷踰淮以

此無有也自予去鄉非不見此者久矣以為誠得工
於畫者寫其風景置之屏障庶幾朝夕賞玩以忘俗
慮而清煩襟豈非一快事哉頃者陳君天章手持畫
梅一卷來乞予文為序曰此予宗子兵文振所畫學
士西涯李公為題其卷端曰江南風景者也予展玩
數回心悅神怡已若索笑於梨雲之下豈雖不知主
名而精神意趣蓋庶幾得梅之韻與格者矣然梅之
為物以其充鼎和故自負調燮者愛之以其冠群芳
故爭倫魁者愛之以其孤潔幽雅故騷人詞客隱遁
林壑者愛之文振將家子也口膏梁而體紈綺宜其

以投石超距穿域蹴踘為樂而乃知梅之可愛寓其
意於圖繪詞翰之間是豈無所見哉夫當草木搖落
之餘冰雪嚴凝之際陰正剥而未衰陽初復而无稚
此時敷榮不撓不瘁其節操之堅可知已而士處顛
沛之時昏濁之世乃或偷合苟容喪其所守顧鮮有
能如梅者此文振之所以有取於梅而愛之至也使
文振當緩急有為之秋大而守一城小而乘一障必
能奮勇敢於矢石之下效智謀於帷幄之內不以成
敗利鈍惑其心不以危疑譏謗易其節將江南草木
服其威名而無愧於梅矣予之於梅亦非徒玩其風

景而已者因書其畧以徂文振之請願相與勉之

故處士尹公有烈挽詩序

君子於親之終也固無所不用其誠然久則惧其德之日泯而哀之或衰則又謀為哀辭挽歌以發其潛德而泄其餘悲焉是或孝之一道也昔者文伯死敬姜據其床而不哭曰始吾有斯子也將以為賢人也今其死也朋友諸臣無有出涕者斯子也其多曠於禮矣蓋哀生於慕慕原於德曠於禮則德無可慕雖欲涕之而無從故季氏之婦於其子惜之况仁人孝子之於其親乎若夫有其德而人不知或知之而未

詳知之詳矣而無一言以發其哀慕之意此則逸民
烈女之所以齎志而無聞仁人孝子之所以痛心而
疾首也教諭永寧尹君時失其怙恃且周生矣然思
慕之心久而不忘間以職事走京師乃遍謁縉紳先
生求為歌辭以發其先德而泄其餘哀時亦純孝人
哉蓋君之父諱昌烈者其孝友仁義之性根於天至
乎於家庭著於鄉里而外美克彰君之母蕭其勤儉
慈惠之著洽于尊卑範于嫻族

送金君惟深拜靖江令

進士四明金君惟深博雅君子也識足以造謀才足

以成務介足以持已量足以包荒其拜靖江令也識者宜之曰靖民之慶或有疑焉曰惟深非百里才當使效官臺掖謀謨廟堂今屈以銅墨處雷封是猶馳騁足於蟻壤息鵬翮於蓬蒿其澤將專而不能咸矣得無使斯人有用違其才之惜耶宏從而解之曰否君子患才不足施或不得施豈以位之輕重劇易為擇哉矧令之所係也弗輕而欲稱之者未易民腹未果令之責也民體穿空令之責也民情湮鬱令之責也是不亦重乎今之令多矣然能使通邑之民凶無蒙袂者誰歟寒免懸鵲者誰歟冤不籲天者誰歟是

不亦難乎識如惟深才如惟深能持已包養如惟深
且能不擇地而安固當肆其力充其職乎予何惜也
予之所深惜者獨以合之難而別之易耳前三年予
因楊君志道識惟深京師假縞紵以寄心親芝蘭而
求益三人者若有夙契遂為同年誠一快事也間惟
深歸覲別且厯歲予輩亟置盞簪以資麗澤今乃復
去此而官于南是則烏能無悵然者乎雖然今

朝廷清明公誠開布出入之均也有恒式殿最之課
也無私情苟才賢著聞入為近職也無疑然則惟深
之合可計以須子輩且將為挽舟卧轍之民惜矣善

惟深者猶予意也各為詩贈之遂以予言置之首簡

黃氏具慶堂詩序

凡天下之可願者皆可以智謀而力取至於富貴利達以為求之有道得之有命矣或者以智力求之則家累千金位極卿相者往往於是係乎天而不可必得智不能謀力不能取者其惟具慶之樂乎君子之有志願於親者孰不願其父母之俱存庶得以盡菽水之歡備晨昏之敬然或瞻依之一無所賴或怙恃之各得其偏高堂九仞曾參有北向之悲積粟萬鍾季路有南遊之歎凡以是也如天之福而所願遂焉

則象梓生輝井寵增重養也分已之祿封也如也
官庶可以報撫教之恩於萬一矣豈非天地間之至
樂哉臨川黃君翊時有志顯其親者也翊時領鄉薦
登進士第無忝所生而其父樂耕先生生母王孺人
皆康寧無恙固可賀矣歲戊申嘉平之吉孺人壽登
指使而先生之年亦且逾五迫六翊時於王事之隙
榮歸里閭拜慶堂下服練裳而輝煌奉板輿而遊宴
无可賀也况翊時發軔青雲駸駸未艾二老春煥鼎
盛好德不衰享祿養於無窮膺誥封之有待皆理所
必至也若翊時者可謂獲祐于天者樂是豈智謀而

方取我朝特額其居第曰具慶以誌樂也同年有為
詩歌詠其事者宏以同舉于鄉又加厚焉且辛巳之
樂同於鄉時也

送進士伍君孟倫歸省詩序

伍世家也代有顯人今大參公以春煇魁兩試由郎
中出典州郡擢佐方岳宦愈久望愈彰位將愈崇而
父之毋弟孟倫子朝信偕領癸卯鄉薦朝信登丁未
進士第以才高選讀春秘書表表行輩間遂擢刑部
主事今年孟倫復登進士第由是兄弟父子繼于一
時其功名富貴與三槐桐木頤頤上下以

之口雖安處多賢才仕官者項背相望然求如
伍氏之盛亦不多見且大叅自為郎一時其尊翁
已封副郎母為宣人迄今二十餘年康健如一日烏
帽羅冠輝映白髮逮見子孫之盛如此今孟倫釋褐
之白又循例去歸其鄉得以拜慶堂下稱觴為壽其
鄉人莫不嘖嘖嘆喜父以勸其子兄以誘其弟曰必
知某氏而後可以為榮其樂何如哉予與孟倫朝信
同舉于鄉同卒業北雍而朝信又同舉進士同遊翰
林其相知頗深又識大叅公于寓館得以脩子弟之
誼竊觀其淵源所漸而得其聚矣忠厚坦夷有受益

之理謙恭慎靜得持滿之道此固功名富貴之所迫
逐而不放者也伍氏之盛豈偶然哉始朝信與孟倫
同受副郎君之教以底于成既登第縻於官守不獲
歸省常往來於懷也孟倫之歸朝信喜曰是可以寓
吾思矣乃合諸縉紳為詩以贈之而屬予以首簡予
方以二親為念拘於限年予告之制莫之能遂望孟
倫之行塵真若登仙之不可及益知為孟倫喜也於
是乎書

送憲僉馬君赴任陝西序

河東馬君廷璽以乙未進士授刑部主事遷員外郎

雲南司主畿君之親少書動盈凡間折揚挫杜
常在左右視諸司最劇而勢家無務請寄干謂以授
吾法者日紛如也君以勤慎自持遇事剖決如流無
幾微見諸色其為人和易可接然無敢干以私者即
有之能以理遣不為所動以是有聲西曹大司寇而
下咸器重之頃者方定其循故事奉職入覲
天子申勅所司慎黜陟之典其衰老無狀黜悉見罷
斥擇廉明強幹者往代其任於是臺諫郎署出補藩
臬之佐者凡數十輩君遂遷陝西按察司僉事君同
官諸君子喜君之澤將及于一方而深為陝人幸也

屬子言以贈其行陝西古為關中內統歷郡外控三
邊賜履所及不啻數千里自周歷秦漢以迄于唐率
都于此於今猶為京師之脊蓋天下形勝重地也君
往持一方之憲民生之利病邊事之得失百司之賢
否無所不與凡吏胥之受賕歛法將領之霍軍弛備
豪強之武斷蚕食者苟廉知其狀皆得以制于刑辟
之中其責亦重矣然刑以輔治而用貴得其平否則
寬縱者網漏於吞舟嚴刻者明察於淵魚枉直既淆
良惡不白失人心而傷和氣未必不由此而始故昔
人論水旱徃徃歸之冤抑非偶然也徃歲關陝大侵

民死徙十七八或諉之天數而已當是時司平于茲
省者亦豈能盡逭其責乎今年時和歲豐民有樂生
之慮然有司所以撫綏而安養之者尤不可忽辭猶
大病之人雖已平復而療養保全方勞經畫必攻其
淫邪攝其元氣庶幾不至於衰憊也則夫獎勵戒貪
抑強扶弱誠撫之急務焉可不致審於刑辟之用耶
君練達憲度有可為之才而又有不可奪之節於辦
此夫何難哉今

天子即位以來勵精圖治寤寐英豪比因大臣建白
凡藩臬治行顯著者皆待以不次之擢自憲僉起遷

憲使者累累有之君徂懋哉行將及君矣

素菴馬先生壽詩序

歲之四月九日素菴馬先生懸弧之旦也以其子公敏為翰林檢討日侍皇弟興王閣中有詔推恩官封如其子者蓋一年于茲矣至是適北來視公敏敏甚喜乃以所給內法之酒大官之饌稱觴為壽戲舞膝下同志之士咸嗟嘆以為榮因賦詩以詠歌之公敏復徵予言以弁其首予詢先生之年曰所歷甲子四百五十餘矣詢先生之貌曰方瞳炯炯髮垂兩眉如嬰兒起居飲啜雖少年有不知詢先生之履歷曰前

自胄監出綰銅墨遭汚鰲去官已三十餘稔暇日
楊惲種豆之詩歌陶潛歸去之辭放懷自適怡怡如
也古人論善惡之報以為久而後定譬之松柏其始
或困於蓬蒿厄於牛羊其終貫四時閱千歲而不改
如先生者厄於官而豐於壽困於身而發於子禡肇
帶於方盛之年而膺封典於垂老之日非所謂久而
後定歟且有年人之所欲也有子亦人之所欲也然
非積善以獲乎天則欲矣而能遂者十不一二焉遂
矣而能兼者百不一二焉先生兼而有之於天道既
定之後豈非積善之深長者哉宜君子喜聞而願頌

之也今方遭遇盛時

天子篤親親之恩藩邸隆賢賢之禮其寵渥之及于公敏而推于先生者未艾也他日侈之詠歌庸詎知有不倍於今日耶

贈萬南和先生序

鉛山為州時萬之先有諱讓者嘗守茲土愛鰲湖山水之勝因家焉其後子孫沿襲禮教遂為邑之鉅族予所識者其五世孫希顏南和先生皆萬氏之傑然者希顏以戎籍僑寓下邳儻饒智樂義好賢無侈靡剝薄之習衣冠多與之交先生則希顏之群從

其材長於幹濟而能勤慎自持尚禮而畏法故里人
尊其德邑人慕其名縣大夫至者率加敬禮賦稅獄
訟之務多倚辦焉頃者催督金縉之稅當輸內帑先
生瞿然念曰是銖寸皆出諸細民而將仰給公家者
也輸者非其人則道途之遠險帑藏之艱阻為累不
輕吾雖老幸而不棄是役也可終辭乎會其子廷介
就試春官遂治裝偕行自始事訖竣事惟虔惟慎事
用以集歸有日矣其從子仕良從戎于北以先生之
年實登措使而懸孤之旦迺在孟冬欲逗行李奉卮
酒為壽願征車已膏不可復挽乃詣予乞文以獻而

伸其情予曰常情急於私者多不敬於公即有之至
老不倦則規避自便之不遑孰肯於垂白之年冒風
露涉波濤走數千里之外而為人役哉先生能敬於
公其視馬伏波效勞兵間老而益壯其賢何如而況
人之壽筭視精力之疲壯齒髮之盛衰以此卜之先
生之壽益未艾也且以廷介實幹父亢宗之子今茲
卒業太學銳志甲科如蠖屈而必伸鵬息而必奮馳
封之典祿位之榮旦夕可冀予知先生將自此養高
林泉寄傲風月於以休倦體樂餘年為鄉黨之尊
必矣由前所稱則先生之來也可嘉由後所稱則先

子
中州推官吳德昭序

中州多被邊遠或去京師萬里其疆多大山長谷
其地雜其間性悍輕易怨觀吏厚薄緩急或帖或
下幸災非其人撫治無術則依險阻結黨仇以為
我民患而我民窮困無聊者亦往往逋逃以和應之
甚者為之鄉導雖毒其井土弗恤故選用官吏不可
不慎今制吏于茲土者多以廣東人士為之自嶺北
至者鮮焉自中州至者尤鮮焉豈不以東封西境相
去伊邇土風氣候吾苟素諳謠俗習尚利害廢置吾

苟素察則吏安于上無愁居惕處苟且歲月之患民
安于下無嗟怨反側弄兵潢池之變乎柳州民淳事
簡治阜物殷號為樂土然亦被邊郡也廣東安定吳
公德昭以鄉貢進士為郡推官自鄉邑至官下亦僅
數百里則風氣固吾所諳民俗固吾所察可以舒布
四躰竭盡心力而施其澤於民矣德昭所理則刑刑
以鋤強植弱威暴安民尤不可不盡其心也予比入
史館閱前時兩廣守臣所上章疏太抵謂諸苗種類
初亦不多自我閩右諸豪以私威震用小民日朘月
削無所厭足於是擾於居而便於去者徃徃亡入山

谷甘與苗伍歲月愈久而苗之黨愈多患愈大矣吾以是求之豈昔之理刑者於鋤強植弱威暴安民之說不能無所戾歟今邇陞無狗吠之警郡國有安堵之樂以是為言似非急務也然君子安不忘危亦不可不講求其故德昭尚盡心於刑以安吾民也哉德昭將之官其同邑中舍主君士衡來謁贈言且謂予吳望定安德昭二兄亦嘗登名鄉書宦遊芳郡其知賓州曰孟休者頃以三考課最進階增祿今德昭操履淳篤宜稱厥任棠棣之碑可復見也予用是大為柳民慶遂書所欲言者以贈之

送清源令胡君世榮序

昔子夏為莒父宰夫子告之以政不及乎他惟曰無欲速無見小利欲速則不達見小利則大事不成予嘗誦之以為斯言乃古今之大戒非特為子夏一人而發也太史公謂周衰之時循法守正者見侮於世奢溢僭差者謂之顯榮自子夏門人之高第也猶云出見紛華盛麗而悅入聞夫子之道而樂二者心戰未能自決豈夫子之言固有為而發歟今天下之人苟登仕版輒欲出入禁闥周旋臺省委之州縣以為徒勞輒戚戚不樂下車未幾即翹首企足冀得殊擢

如農夫望歲惟恐在後循良之政置而不講故民冤
弗理吏黠弗禁百里之內鮮有異政是小之為害也
而人莫知所戒亦獨何哉若胡君世榮之清源近小
之病吾知免天世榮生長將門秩為萬戶懷黃拖紫
則君有之而乃樂為儒素甘抱鉅縣遂貫綜百家之
學蓋世祿所不能限也厥後戰藝累北左次委巷開
門受徒講習不怠名以是益振卒登進士上第亦窮
途所不能屈也今出宰遠縣移家西遊無幾微見於
顏面惟臧之不稱焉是惧又弊俗所不能移也凡若
此者豈見小欲速者所能哉觀人之達恒試其窮觀

人之政恒察其行世榮處窮操行亦既卓然有立則其達而為政必不近功是狃小利是安他日寃民理而黜吏懲教化行而風俗美聲名循良之傳必矣同年匡君輔之曾君復初輩皆可名言遂書以為世榮贈

送徐邦孚王資博陳世濟為令序

人之至親者莫如父母我生我鞠以是稱之也固宜其有親非骨肉人之稱之亦曰父母云者則上而天子下而令長是以天子為天下之父母也令長為一邑之父母也天下如是其大生民如是其衆寒者欲

衣飢者欲食廢隆殘疾鰥寡孤獨者欲得其所莫非
天子之責烏能人人而理之哉則必擇令長而使焉
其邑劇某人理之各當其任而已若令長之所治疆
可里計民可籍數其任小而責專也則必思艱啻易
凡桑麻之利溝洫之利補助之利人緩之而吾急之
布繷之征粟穀之征人急之而吾緩之夫然後吏稱
其任民安其業無愧於父母之名而無負於天子之
寵今也然世之令長能之者蓋亦鮮焉冒者擾民之
財以足其慾虐者戕民之體以快其忿惰者視民之
肥瘠漠然不加喜戚於其心父母之於子慈如是乎

故欲求稱其名者必如召杜之在南陽賈彪之在新
息而後可以無愧也不然民將怨且詛焉其親愛之
能如子之於父母乎已酉仲夏天官曹選衆補職予
丁未同年隸州守者三人隸縣令者二十有三人皆
有為民父母之責而鄆陽徐君邦孚當詣金華之武
義臨川王君資博當詣澤州之平陽新昌陳君時濟
當詣河南之汝陽三君子同鄉愷悌之貌各稱其心
通敏之才各稱其德所處之邑雖有劇易之殊而所
施之政必有緩急之序他日吏補其職而實爾其名
必矢漢之三木焉

贈言重以同年程君廷臣之命於是乎書

送子欽兄南歸序

宏別後父伯兄子欽六年于此矣凡頃後仲父復菴先生至京與宏處數月怡怡如也無緣祖母太宜人即世兄為宗子當承重又將別宏而歸因顧謂宏曰吾宗之起自王父樂菴公始公志大而遠賴復菴先生與而父五峰先生克繼承而充拓之悅詩書敦禮惟先人之忝是惧故復菴先生起家進士官至大夫啓封脩服馳榮考妣五峰先生累於家政則吾弟代為之早登大魁驟膺封典今二父之志愈大而遠所

以繼承而充拓之者將不在於吾與吾弟乎吾歸矣
弟其聞我以自脩之方示我以速化之術毋曰切偲
非弟責也於是宏再拜上手進所欲言宏聞諸古人
善作者不必善成善始者不必善終竊以其成終非
難難乎其繼繼之非難以不知學之為難耳人苟志
於學焉吾知猶健者之升梯舉足愈多身愈高人愈
仰之如是而墜其宗忝其先豈有之乎何則孝弟之
行於家信讓之行於鄉仁義之達于邦國措于天下
其說皆具諸簡冊迺乎古今非學莫之能察莫之能
躡莫之能自異於衆人何由而亢其宗耀其先也自

之方速化之術如是而已。舍是吾無以為吾兄告矣。兄若曰：時過而後學，恐勤苦而難成，則宏請以古人之事告焉。若星甫士安，出後叔父年踰二十，遊蕩不學，或以為癡。其所後叔母任氏因事督教對之，流涕士安感激，勤學不怠，遂博極典籍，百家之言人反以書淫目之。則學之晚成者在晉固有之矣。蘇公明允少不喜學，鄉閭宗族皆怪之。至年二十有七，始大發憤，閉戶讀書，為文辭及舉進士，茂材異等皆不中。又取所為文焚之，益大究六經百家之說，由是下筆頃刻數千言。一時學者皆取以為師法，則學之晚成

者在宋固有之矣士安終身田里明允官止簿尉然人以二子至今知晉之安定有皇甫氏宋之眉山有蘇氏而漢之太尉嵩唐之長史味道有後人則所以亢其宗耀其先者誠貴於學非必都高位饗濃祿乃能尔也今兄之為人後類斗安所後母張夫人賢而善教類任氏凡發憤之年又類明允苟確其志而不變則所謂發之遲而得之精者又將於兄見之二父之志可以繼承而充拓之矣吾宗由此而碩大得不並於古人也哉質諸復菴先生先生曰然遂書以爲兄贈

送梁惟義任福建叅議序

今天下藩臬惟閩與浙於常員之外特設叅議副使各一人以專理銀治而賜之璽書蓋徵斂有額開閉有禁國計之贏縮民情之便不便繫焉事至重也

聖天子即位之元年更化善治凡內外百司皆罷黜其不能而以能者代之維時閩藩右叅議員缺吏部以梁君惟義往當其任梁君由進士初官工部改刑部歷員外郎中嘗奉命按獄于外者三民不冤呼蓋廉明仁恕足以濟事而澤人也及是命凡知君者莫不稱道以為得人同鄉蘇君伯誠輩知之尤稔喜之

尤切乃來徵予言為贈夫理財所以足國而必先于
養民蓋國課不可虧然山澤之利其生有限苟民隱
不恤而必取盈吾未見財之能理國之能足也語曰
虞人反裘而負薪徒惜其毛不知皮盡而毛無所附
經國者可不以恤民為先務乎吾嘗有所感矣吾信
之永豐故有銀冶實與浙之溫慶鄰溫慶之豪每負
課輒來盜採擾及雞犬追捕之而信信拒闕大為一
方之害以予觀之是豈浙民之得已哉地利既盡而
民力既窮理其事者於恤之之道容有未講耳閩之
連山複嶺與浙屬其地利之有時而盡民力之有時

而窮當不異於浙也理其事者寧可不先事而為之
所哉昔劉晏之為度支使也以為戶口滋多則賦稅
自廣故其經國嘗以養民為先凡雨雪豐歛之狀糴
糴貴賤之宜蠲除救助之數莫不知之詳而處之當
行之既久尸口蕃息而賦入倍增故國用自充而民
不困弊梁君果能推而行之未必無補於萬一矣憲
副劉君述憲予鄉之望也於君為同事其於斯言亦
必有所取乎

送羅景遠歸盱江序

盱江羅君景遠同年庶吉士景鳴先生之弟也景鳴

之學駸駸乎子產張華之博雖欲傲之以所不知而不能其所為文辭必已出不為漁獵剽竊計盖有意乎韓愈之奇樊宗師之澁非三四讀不能以句游太學名聲籍甚既而試京闈遂褻然為舉首明年舉進士輒占上第選入讀中祕書文名愈益盛同輩多推服焉予謂時江之秀當萃于景鳴矣無何景遠來省兄京師予胥晤焉目其貌肅而溫耳其言質而不俚與人交款款有誠久而不懈予間與景鳴語古今事景遠輒從旁酬答識其大意而於青烏之術尤得其精盖所謂文章不及而持論過之者何其生質之美

何羅氏之多賢也或謂榜中兄弟同年者凡四姓以景遠之美質使少加問學其聯青陟華特易耳而布衣韋帶顧與齊民伍以是為景遠惜予曰不然孔子不云乎惟孝友于兄弟施于有政是亦為政奚其為為政今景遠篤于其兄友愛天至長枕大被相從以居而景鳴無羈寂之情幹蠱克家井井不紊而景鳴無仰事之累凡景鳴得以專志於功名問學以成其遠者大者皆其助也則家政有可稱者矣又何必爵位之兩崇而後為貴哉景遠將別其兄而南還車馬有行色同年各為詩贈之而懇予為序云

送訓導尹君廷禮之上高序

傳有之學之道嚴師為難師嚴然後道尊道尊然後
民知教學所謂嚴師云者非特上之人盡崇重之禮
而已蓋必有自重之道存焉國家建學立師非一日
矣迩歲廷臣患學職之太輕而師道之不立屢請廣
進用之塗以寓激勸之意初議師能盡其職者六年
得仍就試春官比欲振拔淹滯凡其任滿謁選者復
聽與需次銓曹之士合試而超遷之苟學行可稱而
其職不廢往往實在高等以為郡佐邑長亦崇重之
夫不知任斯職者果知自重乎否也夫家

傑之材卓有定見必能正身化俗講學明道盡其職
分之所當為無俟於激勵也中材之士可導而上下
則因是而自勵者固宜有之下此或嘆老嗟卑或貪
榮慕進而於興學育才之事漫不加意是烏知帥道
之重乎東莞尹君廷禮明春秋之學領成化丙午鄉
薦今年試春官名在乙榜於是得為上高縣學訓導
訓導分齋以教士其責視掌教者為稍專其課績亦
惟較其所教以為殿最非若掌教者得泛然以為功
也故士非甚不得已未有樂為之者然亦顧人之自
重與否苟知自重之道則雖淹簿尉滯筦庫猶足以

盡心所事而獲上下之心況為儒官有教人之責者
哉廷禮茲行欲資祿以養其母蓋急其所重不屑屑
於名位之尊卑推此以往必能知教人之本於以正
身化俗講學明道師道有不尊者哉若夫進取之利
鈍則係於天君子脩乎在己以俟乎在天者而已不
可汲汲於斯而因以怠其職也進士錢君明道與廷
禮遊邑序為同輩舉鄉邦為同年因其行也來徵贈
言予故以自重為廷禮贈云

送司訓王丕績之孝豐序

天下之職似卑而尊似易而難者惟師儒為然今世

俗之所謂尊而難者如守令如藩臬如臺諫如館閣如公卿是已師儒之所教僅弟子員數十人無綏撫守牧之責所護視者維廟學祀典圖書服器而已無簿書期會之煩其俸入不足以贍其私而徒御不足以供其役無紆朱拖紫前呼後擁之榮誠若至卑而易處矣然而世之為守令為藩臬為臺諫為館閣為公卿者其始莫不漸摩作養于庠序之中而其人之賢不肖其事功之高下則係于師道之興廢何如耳是則師儒之職果卑而易哉特世之為師儒者既不_知自是自軌而上之人亦莫或以是責之其以為卑

而易者亦宜也故予嘗論之治天下者必尊師道而難其人使漸摩涵養之有方則由是出而為世用者庶幾乎其皆賢矣廬陵王君丕績由太學生拜湖之孝豐司訓其鄉友劉君文煥欲予言贈之且謂丕績故相國文安劉公之甥今官僚宣溪王公之族子也二公以文章道德為廬陵先後之英丕績日從之遊其學問之精通操履之淳篤心可以師于人然則所謂尊而難者丕績宜知之予何言然師道廢久矣使予言之而不績勉之豈徒然哉昔胡安定之在湖學言行而身化之使誠明者達昏愚者勵而頑傲者革

其為法嚴而信為道久而尊行之數年東南之士莫
不以仁義禮樂為學故出而筮仕往往取高第及為
政多適于世用師儒之職尊而難此其驗也後之言
師道者舍是其誰法也况考豐為湖之屬邑其流風
遺韻无可尋逐丕續前修之意則師道之立人材之
盛豈皆之然而今之否哉

送余益輝為衛輝郡博序

黃門進賢季君本清予同年也一日詣予言曰吾友
余君益輝生同鄉學同業游同庠自髫鬣定交至于
今不衰顧益輝命乖數奇抱負利器屢進屢屈今茲

以太學生簡任衛輝少博有為人師之責予喜其志之少伸而惜其才之小就也將求吾子一言以紓交情且曰益輝之志行純篤才識超卓將於為人師也無愧吾子幸無惜辭費使益輝之賢不彰于人予於益輝雖素昧平生聞本清之言信益輝之為賢矣信其可以為人師矣本清之為人端厚淳慤盖周勃張相如之流其於揚善必非大言以誇人者而本清薦于鄉取解首升于南宮占上第用於朝為諫官華實相副而聲聞日隆考其淵源所漸則麗澤之益蓬麻之功益輝有焉然則益輝推所以友于人者以為人

亦何難哉然予聞古之君子一官一職之出卑而
度其能之稱否故隨寓而安居官可紀而今也不然
矣職任卽儒者往往嘆老嗟卑視教化爲文具以師
儒之所以不立而人材之所以不古若也以益之
賢其所見必遠過乎今之人惟鼓勵其志意以冀其
益充其才與識使巧道克立而人交不變則備之人
材未必不勃然而感使梁武帝之詔載筆者豈無其
人哉此固本清微言之意也遂書以贈之

送君翼如爲府推官序

今制天下郡守而下有貳府有通守理民與事而訟

獄之決則推官專任焉比歲以來貳守通守惟以曹
監處之而推官出甲榜者常十八益重夫刑也專而
重則任之者亦難其人矣同年某君以名進士出為
某府推官予忝有年好當有言贈不容以辭惟刑之
重於天下也久矣刑猶藥石以伐病非人之所欲然
而養生亦不可廢刑罰以弼教非治之所尚然而治
世亦不可無故刑有道焉法之所必誅雖瞽瞍殺人
畢陶不得而赦罪之所必赦雖愚民犯蹕文帝不得
而誅然亦顧其位之者何如人耳愚嘗竊觀古史博
訪世務竊嘆夫大刑獄者不寬而縱則猛而殘寬者

于姑息奪於富威則攢皮而出羽網或漏於吞舟
矣其者溺于私情流于刻骨則洗垢而索瘢政或苛
於猛虎矣是二者之所為皆過也任易豐之象曰雷
電皆至豐君子以折獄致刑言其明而動也噬嗑之
象曰雷電噬嗑先王以明罰勅法言其動而明也鳴
呼如電之照如雷之威則明足以辨疑動足以除惡
尚何寬猛之失中也哉君行矣慎毋以州郡為徒勞
之官以法律為仁義之耻於其明而動者勉焉於其
縱而殘者戒焉昔黃霸變俗吏之酷宣帝聞之召以
為廷尉正錢若水辨富民之冤大宗聞之擢以為樞

密副今上龍飛循名責實考治慎刑二君不及焉
不寬之聲者微聞于冕旒之側則高爵重祿如之先
大夫以名進士為司空亞其兄以名進士為司寇屬
其族屬科目官郡縣者累累若貫蓋世宦之族也昔
黃香子瓊隨侍臺閣習見故事及後乃職達練官曹
今翼如承世德之懿其於親民偉止必知其驟矣其
尚益盡乃心今天子龍飛在天屬精庶政固邦本
也必郡縣是先計吏治也必守令是重他日璽書勉
勵而增秩賜金者惡知其非翼如耶

送樂訓導序

于常泛觀天下之物莫不係於所染絲之素者染於
蒼則蒼染於黃則黃所以入者變其色亦變五入而
以為五色矣故染不可不慎也非獨絲有染也草亦
有染蘭槐之根為芷其漸之脩廢人不服君子不近
其質非不美也所染者然也非惟草有染也人之言
亦有染生於齊者不能不齊言生於楚者不能不楚
言齊楚之人生而同聲長而異語有不係於染乎非
惟言有染也俗亦有染甌越之人文身錯臂大吳之
國異齒雕題各習其習染使之然也非獨俗有染也
學亦有染象罔於君時齊染於務成昭禹染於西王

國易染於成子伯文王染於時子思武王染於號叔
此數君者所染當故功名蔽天地周之末孔子有德
無位為世宗師其染大而遠語曰卅之所藏者赤漆
之所藏者黑則其於染也亦慎矣孔子既没七十子
之徒咸遵其業而潤色之若子思學於曾子孟子學
於子思公孫丑萬章學於孟子皆所染也當也當是
時老聃莊周列禦寇墨翟禽滑釐荀卿之徒曰師曰
弟子各以其術染然惡紫之奪朱矣漢之世若田何
伏勝申培轅固韓嬰高堂隆胡毋子都瑕丘江公董
公仲舒之徒各守其經以染者也下及魏晉氏則染

於清談自隋以降則又染於詞章矣唐之學者不聞
有師有輒譁笑之以為狂人獨昌黎韓愈抗顏而為
師學者靡然復歸於正然猶未能脫詞章之餘染也
浸淫至于趙宋故染猶存安定胡瑗者出始倡体用
之學以染其徒其徒染之散在四方者隨其人賢愚
皆循循雅飭下及周子二程夫子張子朱子又從而
光大之染其徒以性命之學淵源所漸徧及海内孔
孟之道賴以復明當染之功亦不可誣也近世以來
若許衡之教人時其動息而弛張之慎其萌孽而防
範之日漸月漬不自知其變也其於染亦幾矣今之

為學者不知其所以染果當矣否乎雕蟲篆刻者或
染於浮華尺趨繩步者或染於迂濶呶訾栗朝者或
染於便佞突梯滑稽者或染於柔回若夫豪傑之士
則亦自援於流俗者耳而世之人於染忽焉顧乃輕
仆之人亦獨何哉樂君之教於某邦也有染之責其
廼兄周君甫敬徵言以贈故吾以染之當不當語之
於戲樂君其慎之哉其慎之哉

送節推韓君馭民復任南安詩序

韓君馭民博學能詞而勤悞朴茂為廣之魁士領已
卯鄉薦試春官以公補久之拜南安節推南安江

左劇郡也與嶺南壤地相接其民喜爭訟而政尚惠
文號為難治若至持廉布公勤於職任不峻不弛已
而麗者平心暴者畏法獄簡而民以安上下交口譽
之曰良有司也既六年考績上天官曹天官曹書課
以最然拘於年資例復故任而陞遷之典未及於是
時將辨舟南還其鄉人繪圖賦詩以贈之大史涂君
邦祥輩復徵予言為序予不能辭惟用人致治之法
莫善於久任漢文帝之時吏居官者或長子孫二千
石長吏安官樂職政上下相安莫有苟且之意而海
內富庶興於禮讓宋元嘉之治見稱後代亦以守宰

以於其職吏不苟免民有所係故也今日黜陟之法
上師唐虞以三考為當可謂善矣然法久或玩比者
守倖而下不免驟遷數易之弊此有志於晷回展布
者不能不為之慨嘆也且以韓君才行之優政績之
美雖超遷以寵之可也然君於南安既捨其人情詎
其土俗而郡民於君亦服其條教信其恩威譬則赤
子在襁褓之中而可遽奪其保母哉故茲行於君似
為少屈而於民則幸矣君其益堅所守益懋厥事使
美譽有加則旌擢之典亦豈能終吝也耶於是乎序

贈揭陽許觀授陰陽訓術序

和人以敬天勤民為首務必慎必詳罔或敢忽於
命義和以曆象授時之事而必分命其仲叔使頒布
考驗於四方蓋以不如是則無以致其勤敬之心恐
術之違天而政之失時也國家稽古建官置欽天監
於京師以司推步占候之事可謂審矣而天下府州
縣又各置陰陽學學有專官官在縣為訓術統生若
千人使通於推步占候者任之蓋先王命官頒布考
驗之意實寓乎此豈不為重矣哉廣左潮州之揭陽
縣頃者訓術員缺縣大夫以邑子許觀名上天曹天
官曹誠可遂授以職今文選郎中吳君敬昆實揭陽

人而觀又吳之自出吳公甄列流品隨材任用雖遠
且疏者必失其賢而後用之况近而親者乎則觀之
能賢於人而能稱其職以上体敬天勤民之意從可
知已夫官無崇卑惟稱職為賢乘由委吏以太聖人
居之猶必盡其心焉曰會計當而已矣牛羊茁而已
矣况陰陽之職有係於天人之重而所任之者下於
聖人萬萬矣昔史遷謂陰陽之術太詳而衆忘諱使
人拘而多畏然其序四時之大順不可失也觀歸能
破拘忌順時序以導民事使因生民收藏之理脩作
訛成易之政而無玩歲愒日之弊焉則於職為不負

公同年進士翁君存道與觀有同鄉之雅事其
而悵其將歸也因過予請贈言予故書此以道其
也且勉之云

送潮州推官曾仁甫序

曾世望大和以科目仕州縣者累累有之仁甫尤傑
然可敬學有經法而材足以任事嘗以南京水軍衛
戎籍游應天府庠領成化甲午鄉薦頃者謁選于天
官曹其四事皆在優等因授潮州府推官推官為理
刑而設凡一郡之獄訟曲直皆取決焉其職專而要
仁甫由釋褐而遂得之可謂榮矣然天下之事惟刑

為要曲直之間可以生人可以殺人苟決之或失其
平則其冤將有所歸居是任者欲職舉而刑當者不
亦難哉先正有言古人之論政以寬為本而今也欲
嚴猶古樂以和為主而今也欲淡蓋以今之所謂寬
者乃縱弛而所謂和者乃淫哇也故理官之於刑亦
必以嚴為体而濟以寬則人知畏法而刑可清矣蓋
民生有欲而強弱不一必至於爭且亂聖人為之刑
所以折其欲治其爭使不至於亂耳則不以嚴為本
有力者怵我以威有財者誘我以利請寄苞苴紛
於吾前法不能執而曲直或失其平無罪獲宥有

罪獲脫非惟民有寃心將犯者日衆而刑不可勝用
何者民知法之不足畏也今天下承平既久人懷苟
且之心政多縱弛之弊徃哉仁甫苟能以嚴為主不
怵於威不誘於利焉則不必深文密比以刻為明而
刑罰自得其平矣有其榮而無其難將不在於此乎
君將行潮之人士謀贈以言而予同年進士謝君有
容來致其意故書此以見刑之至重而不可忽云

贈瘍醫朱君銓序

凡小道之可觀者貴於專專斯精精斯驗不專精而
能取驗者鮮矣養叔之射遼之丸秋之奕輪扁之斲

庖丁之解牛公孫大娘之舞劍皆精絕一時足以潤身而適於用無他專故也夫此數端皆小道中之無益者然非專猶且不可况醫乃人之司命不專可乎故周禮醫師所掌有主夫疾痛者主夫瘍者有主夫食療者亦各專其職而使治之然後責以十全之效焉以是觀之則醫之貴於專也審矣貴溪有朱君銓者於醫之諸科一無所兼獨治瘍之法父子兄弟得其肯綮世守其業不遷針砭所加應手取效百不一二失所謂專而精者歟頃家君病癰諸醫不能治勢甚危迫惟夏醫孟厚者以為可藥日投內補之劑而

外攻之術則猶未盡時漳守汪公開之因以君薦予
立馳書召之既至分廷抗禮未及非遂語君以內
詰其可治與否君曰是雖稍遲然猶可爲也入閣診
視取囊中藥屑傳四周而以絛納之止謂其中有積
聚如筋者明日當隨絛以出出則瘳乃可歛詰朝導
以絛果得如筋如指者數寸自是藥數易而癰漸愈
君之功也昔扁鵲得長桑君懷中藥飲以上池之
水旬月後有所診候能盡見五藏癥結今君之奇庶
幾類此不亦可以爲難哉君貌朴言質不能取名惟
傍近數十里知其能則往來之稍遠已無識君者而

家君乃以為善之報因太守公而獲濟於君子安能
忘哉爰叙此以贈使凡抱痛者因予言而知君之良
從而訪焉則不獨一人之幸矣朱君之醫仁者之術
也太守公之薦仁者之心也然則予之斯言蓋欲体
公之心而廣君之術云爾

送永豐邑庠少博曹君秩滿之京序

浙之奉化曹君錫之其先世有名宦以詩書禮樂望
於鄉郡錫之明敏敦慎博通經學故能使其芳潤不
衰蓋舉於有司者屢矣竟以數奇弗第及升之太學
遂拜命來貳永豐教事至則謹模範公勸懲循循然

以應為主不效今世人嘆老嗟卑苟且歲月之
士類薰其德而化之率知以文行自勵賓興論秀
之人吾所及知者今黃門周君仲禮學優器偉
雅莊重之質可敬可愛問之則錫之素所器許將
登於籍而以為功者也若錫之於為師亦可謂無愧
矣是歲秩滿北行有期諸生及邑之人士與善厚者
樂其遷難其繼而不忍遽視其別仲禮乃遣其從弟
環偕程君傑來屬予文贈之予不能辭也惟治道以
育人材厚風俗為本故有天下者必崇學校聯師儒
使與賢俊之士講論刮磨養成其德器材質於以布

之周行移風易俗以為仁厚之歸而後治道可興也
然世變日降澆偽日滋竊觀今之居學校以師弟子
相稱謂者特名存焉耳橫經者倚席不講視弟子員
如浮萍而執經者亦視其師長如塗之人然甚者操
戈入室群起而攻之雖自叛名教不以為耻蓋忠厚
之道在端本澄源之地已無足觀況其餘乎况望其
能善俗以興治乎今錫之能以師道自立無不摸不
範之譏而其所以教人又有出於月書季考之外豈
其來也而人化之其去也而人慕之非惟足以見
人之賢而是邑之治也於厚亦可以占知矣夫

材厚俗乃先乎建學之本意而錫之無愧於此不亦
可以為難哉錫之申是而去將需於銓曹試於館閣
其課必書上考其文必置高等則陟將愈崇所施將
愈大而人之愛慕者將愈多也此因請君之願望於
錫之者尚勉之哉

送京衛副千戶蕭軒孫侯悅吉歸德興序

孫望德興悅吉之大父歲寒公以永樂乙未進士歷
官至大司馬正統間屢平閩浙巨寇勲業赫奕為時
名臣其長子司訓葵軒公文與學能世其家然屈於
甲科僅持教鐸葵軒之仲子冰壁翁復以成化壬辰

進士歷官至大冢宰贈葵軒為南京兵部尚書而其
繼母王在堂得授封夫人之誥祖孫八座先後相
望百年以來海內縉紳之家鮮有儷者悅吉即葵軒
之叔子冢宰公之令弟也冢宰公既引年得休王夫
人乃始棄養時值濠構亂

南巡勢不敢以卹典請去秋悅吉乃與其同產
敦吉從子東白謀曰吾母以吾兄之貴例有卹恩
義以時變後吾心缺焉今幸

聖天子在上敦崇孝理請可緩乎遂治裝北上與其
兄養正翁之子直問孟陽謀疏葬緩之有司故以

詔葬如例遣有司諭祭于家君子曰悅吉於
卒可謂孝矣會工部方將營建西宮議有能捐貲
助役者量所入授之武級悅吉曰吾聞卜式在西京
以佐國費稱長者吾世荷

上恩享耕鑿之利幸有贏餘鄉隣以急告尚欲濟之
況國乎乃入貲若干拜京闕副千戶君子曰悅吉之
之所存如此非勉於為忠者能然乎哉然又有惜之
者曰悅吉生名家負才智濡染詩書明習世務使其
拜真爵敎一官於文可為司牧於武可為干城乃祖
乃兄之器業勲階宜可馴致而賴老于布韋隱乎鄉

井敘厥幹局施之一家今雖因事效忠榮受爵級然
徒冒空銜不得措之行事譬則千里之驥老於伏櫪
矧燕秣越之技無所用之是豈悅吉之所甘心焉者
哉予以為人之志各有適而其才各有用古所謂逸
民高士不必顯顯以馳騫表襮為能也稱于家為賢
子弟譽於鄉為善士德足以立其身行足以範其俗
則亦無愧於平生矣今悅吉承其先人之訓勉為孝
弟忠信以太振其家聲則雖不以吏治戰勳立於
一時然亦成名立德與古之逸民高士豈甚相逖絕耶
茲豈不足以為名家重郡哉與予職方以諸生

學才良質美所進未可量悅吉之所欲為而未遂者
安知其不大發於後邪聞者以予之言為然會悅吉
南歸遂書以贈之

憲公摘稿卷之十終